

Meeqqat tapersorneqarnissaannut Inatsisartut inatsisaata allanngortinnera pillugu Inatsisartut inatsisissaattut siunnersuut nr. xx, xx. xxx 2017-imeersoq (Kalaallisoortaani § 32, imm. 1-imut aamma § 46, imm. 5-imut oqaasertatigut erseqqissaaneq)

Saqqummiussissut

(Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoq)

Siullermeerneqarnera

Naalakkersuisut matumuuna saqqummiuppaat Meeqqat tapersorneqarnissaannut inatsisartut inatsisaata allannguutissaatut siunnersuut kalaallisoortaani § 32, imm. 1-mut aamma § 46, imm. 5-imut oqaasertatigut erseqqissaassutitalik.

2017-imi upernaakkut ataatsimiinnermi Meeqqat tapersorneqarnissaannut inatsit inatsisartunit akuerineqarpoq. Inatsimmi ilaatigut siunertarineqarpoq meeqqanut inuusuttunullu inissinneqarsimasunut tikeraarluni angalanissat aamma iliuusissatut pilersaarutit sullissinnermi sakkutut pingaarutilittut atorneqartarnissaasa ukkatarineqarnissaa.

Inatsisartut Ombudsmandiata aalajangersakkat danskisoortaasa kalaallisoortaasalu akornanni naapertuutinngitsoqarneranik nalunaaruteqarluni saaffiginnissutaasa marluusut malitseqartillugit inatsisissatut siunnersuut suliarineqarpoq.

Meeqqat tapersorneqarnissaat pillugu Inatsisartut inatsisaata danskisoortaa kalaallisoortaaalu naapertorlugit Inatsisissatut siunnersuut maleruaqqusanik assigiisitsilissaaq.

Taamatut oqaaseqarlutik Naalakkersuisut oqaluuserisassaq Inatsisartunut oqaluuserisassanngortippaat.